

يوم في حياة صائم .. الحلقة) 70 (.. #ذلـكـهـدىـاللهـ .. دـ.

حازم شومان

حازم شومان

بسم الله الرحمن الرحيم على بصيرة انا ومن اتبعني وسبحان الله وما انا من السلام عليكم ورحمة الله وبركاته. الحمد لله حمدا كثيرا طيبا مباركا فيه. كما يحب ربنا ويرضى. حمدا ملء السماوات وملء الارض - 00:00:00

وملء ما بينهما وملء ما شاء ربنا من شيء بعد. اللهم لك الحمد كله وبيدك الخير كله ولك الملك كله واليک يرجع الامر كله واصلي واسلم على سيد الخلق اجمعين. سيدنا محمد عليه افضل الصلوات من رب العالمين الى يوم الدين. ثم اما بعد - 00:00:36

ما حدش منكم شامم ريحه حاجة يا جماعة معقوله! لسة اسبوع على رمضان! ولسه ما شميناش ريحه رمضان! لسته ما شميناش ريحه الصيام والفطار والسحور والتراويح! لسته ما شميناش ريحه ليلة سبع - 00:00:56

وعشرين وبكاء ليلة سبعة وعشرين. والمسجد بيترجي بنا من البكاء ليلة سبعة وعشرين. لسته مش شامين. لو اشتقتنا بصدق والله هنشم ريحه رمضان. سيدنا يعقوب لما اشتاق لسيدنا يوسف بصدق ولما فصلت العير. العير لسته خارجة من مصر بالقميص بتاع سيدنا يوسف. وسيدنا يعقوب في الشام. قال - 00:01:10

سيدنا يعقوب هو لسه في الشام اني لا جد ريح يوسف. انا شامم ريحه يوسف ابني عليه الصلاة والسلام. متخيلين لما اشتاق بصدق ريحته من المسافة دي كلها. لو احنا مشتاقين لرمضان بصدق هنقول اني لا جد ريح رمضان. انس ابن النضر لما دخل غزوة احد قال ايه؟ قال واهـا - 00:01:30

ريح الجنة اني لا جد ريح الجنة دون احد. اللي هيشتاق لرمضان ده صدق يا جماعة المشتاقون الى رمضان. هيقولوا واهـا لريح اني لا جد ريح الجنة دون رمضان. يا رجالـة لسته شهر بالزيـط قدامـنا شهرـ. شهر واحد شهر واحد بينـا وبينـ الجنةـ. لو - 00:01:50

الشهر ده وانطلقـناـ الشـهـرـ دـهـ اـخـرـ الشـهـرـ دـهـ الجـنـةـ باـزـنـ اللهـ. تـلـاتـينـ يـوـمـ. ابوـابـ الجـنـةـ التـمـانـيـهـ هـتـفـتـحـ. يعنيـ ياـ تـلـاحـقـ ياـ ماـ تـلـحـقــشـ. هـمـ تـلـاتـينـ يـوـمـ. ياـ تـلـاحـقـ ياـ ماـ تـلـحـقــشـ - 00:02:10

لو انا قلت لك الوقت قدامـكـ شهرـ تـتـعـبـ فيهـ وـهـتـاخـدـ مـبـلـغـ يـكـفـيـكـ تـصـرـفـ طـوـلـ حـيـاتـكـ. تـصـبـرـ وـلـاـ ؟ـ لوـ اـنـاـ قـلـتـ لـكـ الـوقـتـ قـدـامـكـ شهرـ تـزاـكـرـ فـيـهـ وـهـتـاخـدـ اـعـلـىـ شـهـادـةـ فيـ - 00:02:20

الـدـنـيـاـ تـصـبـرـ وـلـاـ ؟ـ طـبـ لوـ اـنـاـ قـلـتـ لـكـ قـدـامـكـ شهرـ تعـبـ اللهـ فـيـهـ. وـبـعـدـ كـدـهـ الجـنـةـ تـصـبـرـ وـلـاـ ؟ـ اـسـبـوـعـ وـاـحـدـ يـاـ جـمـاعـةـ. اـحـنـاـ النـهـارـدـةـ

الـخـمـيسـ الخـمـيسـ الجـاـيـ رـمـضـانـ باـزـنـ اللهـ - 00:02:30

سبـعـ تـيـامـ لـسـةـ عـلـىـ رـمـضـانـ. يـعـنـيـ المـوـضـوـعـ بـقـىـ سـاعـاتـ. يـعـنـيـ العـدـ التـنـازـلـيـ دـلـوقـتـيـ بـقـىـ ماـ عـدـشـ بـالـيـامـ. عـدـ السـاعـاتـ سـبـعـ اـيـامـ

وـاـبـوـابـ الجـنـةـ التـمـانـيـهـ هـتـفـتـحـ. حـدـسـ فـيـ غـايـةـ الـخـطـورـةـ. الـكـلـ بـيـسـتـعـدـ - 00:02:40

فيـ نـاسـ دـلـوقـتـيـ بـتـسـتـعـدـ بـيـامـيشـ رـمـضـانـ. الـيـامـيشـ جـبـتـ الـيـامـيشـ وـلـاـ ؟ـ خـرـنـتـ قـمـرـ الدـيـنـ وـلـاـ ؟ـ جـبـتـ الـقطـاـيفـ وـلـاـ ؟ـ الوـصـلـةـ

الـدـشـ رـكـبـنـاـهاـ وـلـاـ ؟ـ هـوـ رـمـضـانـ يـحـلـىـ مـنـ غـيرـ الدـشـ وـلـاـ - 00:02:52

وـلـاـ ايـهـ؟ـ وـفـيـهـ تـجـارـ دـلـوقـتـيـ يـاـ جـمـاعـةـ مـخـاـزـنـ الرـزـ وـالـزـيـتـ وـالـسـكـرـ اـتـمـلـتـ وـبـيـدـورـواـ عـلـىـ مـخـاـزـنـ تـانـيـةـ لـيـهـ؟ـ دـهـ المـوـسـمـ. دـهـ اـحـنـاـ لـوـ ماـ كـسـبـنـاـشـ فـيـ رـمـضـانـ مـاـ نـكـسـبـشـ طـوـلـ السـنـةـ. يـعـنـيـ دـهـ اـسـتـعـدـادـ - 00:03:02

تجـارـ الدـنـيـاـ عـشـانـ رـمـضـانـ. فـيـنـ اـسـتـعـدـادـ تـجـارـ الـاـخـرـةـ عـشـانـ رـمـضـانـ؟ـ فـيـنـ اـسـتـعـدـادـ طـلـابـ الـفـرـدـوـسـ الـاـعـلـىـ عـشـانـ رـمـضـانـ؟ـ فـيـنـ

استعداد طلاب الريان عشان رمضان؟ الاستديوهات كلها اربعة وعشرين ساعة في جميع القنوات الفضائية ما بتتامش ليه يا رمضان؟ رمضان الا برامج رمضان ومسلسلات رمضان وفوازير رمضان؟ يعني ده استعداد اهل الله ورمضان - 00:03:12

فين استعداد اهل الحق لرمضان؟ والله الواحد ما الواحد كلمة استعداد للربيع دي مكسوف منها الوقتي. يعني لو واحد دخل على مدير الازاعة التليفزيونية دلوقتي قال له خد الملف ده. قال له ملف ايه - 00:03:32

قال له ده برنامج مسلسل عايزين نعمله في رمضان. عايزين نستعد به لرمضان. هيقول هيرميه وبعد كده هيرمي الملف وراه. هيقول له رمضان ايه يا ابني؟ ده كان من تمن شهور الاستعداد - 00:03:42

انت جاي دلوقتي بتعمل لي تمسيلية لرمضان. احنا يا جماعة جايين قبل رمضان باسبوع نقول نستعد لرمضان. ده حتى الشياطين بتستعد لرمضان. حداشر شهر طلعوا معك وطلعوا روحوا معك. هيسيينا كده بسهولة. نضيع منه في شهر بتاع رمضان ده. مش هينفع يا جماعة. الشاطئين يجتمعوا مع بعض. الحقوا ايه؟ ده رمضان قرب. طب وبعدين - 00:03:52

لازم نتصرف الناس هتتوب. الناس هتتهدى. الناس خلاص هتروح من ايدينا. الناس هتدخل الجنة. طب وبعدين نعمل ايه؟ لازم نضيع رمضان. يحاول انه يعمل لك معصية توقعك يكلم دي ودي تكلم ده. يحاول يخلي آآ يخليكي تتشاكل مع جوزك. تتشاكل مع والدتك. تتشاكل مع والدك. تلاقى ان الزات جاية لك على الموبايل ايه يا عم! ده ما كانش حد - 00:04:12

بيعتبرني فجأة كلهم عبروا لنا قبل رمضان كده ولا ايه؟ يحاول يضيع لك رمضان باي طريقة. بعد كده يجتمعوا الحقوا فيه ايه؟ ده الكلام ده برضو ما ضحكتاش على كل الناس. فيه ناس - 00:04:32

وعلت وناس لسة صامدة طب وبعدين هيتبوا ولا ايه؟ طب نعمل ايه؟ اشغلوهم في ياميش رمضان. خليهم يعملوا جمعيات ويجرروا يجرروا بيجرروا عشان يجيبوا لميش رمضان. وبعد كده الحقوا ايه! ده في رمضان الناس هتشتغل لغاية العصر والطلبة هتخلص محاضراتها على العصر. وهيقعدوا يقرروا القرآن في في المسجد قبل الساعتين بتوع الفطار. طب وبعدين هيتبوا ولا ايه؟ جود - 00:04:42

شعبان اللي طلع رحنا فينا هيروح مننا ولا ايه؟ طب نعمل ايه؟ بس الدورات الرمضانية. ياه! رمضان يا جماعة بقى عندنا شهر الكورة فوازير والشيشة يا جماعة. مش ده الواقع ولا ايه؟ شوفوا ربنا ربط رمضان بايه؟ واحنا ربطنا رمضان بايه؟ ربنا ربط رمضان بالقرآن. شهر رمضان الذي انزل فيه - 00:05:06

احنا ربطنا رمضان بايه؟ رمضان بقى خمس حاجات. ياميش كورة فوازير مسلسلات شيشة. يا الهي! ده يا حسرة! والله يا جماعة دي امة محمد دلوقتي. بعد كده الحقوا الحقوا في ايه! ده ده عملوا حاجة اسمها التراويح. تراويح بايه كمان! بيفطروا وينزلوا يصلوا العشاء في الجماعة ويصلوا - 00:05:26

التراويح لأن لا يمكن لازم نضيع لهم الفترة دي بقى طب نعمل ايه؟ بس فوازير رمضان والمسلسلات الرمضانية لغاية الساعة اتناسن الضهر يقلب من القناة دي من مسلسل على القناة دي مسلسل على القناة دي مسلسل هيلف حوالين نفسه من تمن شهور نستعد لهم قبل رمضان عشان نتوههم عن ربنا. ما يوصلوش لربنا ابدا. بعد كده - 00:05:46

الحقوا في ايه! ده اخترعوا اختراع جديد اسمه تهجد. ده ايه؟ تهجد تهجد ده هو كمان. بعد ما يخلصوا المسلسلات الساعة اتناسن بالليل ينزلوا يصلوا في الفجر. طب وبعدين لا يمكن. لازم نسد كل طريق بينهم وبين الهدایة. لازم نسد كل طريق بينهم وبين ربنا. لازم نفس الخطة اللي امرأة العزيز عملتها مع - 00:06:06

بنعملها وغلقت الابواب. لازم نقف كل طريق للجنة حوالיהם. ما يلاقوش غير سكك النار. يمشوا في سكك النار يتكتبوا في النار. هنروح النار لوحدنا زي ما تاب زي ما نسوا القرآن قبل رمضان نسألوهم في رمضان. زي ما اتبعوا شهواتهم قبل رمضان يتبعوا شهواتهم في رمضان. لازم نتوههم عن مولاهم اللي خلقهم. طب وبعدين نعمل ايه - 00:06:26

نعمل ايه؟ نعمل ايه؟ الخيمة الرمضانية او الخيبة الرمضانية. الشيشة سهرات رمضان مع الشيشة يا جماعة يا جماعة فيه معاصي ما بتنتهكش ، حرمات ما بتنتهش غير في رمضان. فيه شباب بيخرج صحيفته بعد رمضان اسوأ منها قبل رمضان. فيه يا جماعة فيه

شباب ما بيقعدش على القهوة - 00:06:46

اصلا غير في رمضان. في شباب ما بتتفرجش على دش غير في رمضان. فحتى الشياطين بتسعد. انت عامل ايه؟ وانت عاملة ايه؟
يا اخواننا يا جماعة لو فريق نزل الملعب - 00:07:06

من غير خطة عما بيبدأ يرتب نفسه هيكون الفريق الثاني حط فيه اجوان لغاية ما قطع الشبكة. لو نزلت رمضان من غير برنامج من
غير خطة يبقى معك خطة لرمضان. برنامج - 00:07:16

رمضان تكتيك لرمضان. عارف كل ساعة هتعمل فيها ايه عما تبدأ تفوق هتلاقي نص رمضان راح منك. يبقى الوقتي الايميلات كلها
جایة والناس بتتكلم والناس ناس بتسأل كل الشيوخ وفي كل مكان عايزين برنامج لرمضان عايزين جدول لرمضان
عايزين خطة لرمضان هو ده موضوع درس النهاردة جدول رمضان يوم في حياة صائم جدول عملي درس النهاردة - 00:07:26
يا جماعة عشان كده انا عايز كل واحد منكم دلوقتي يحضر معه ورقة وقلم عشان هنكتب مع بعض جدول بقى محدد لك مهامك يوم
يوم في رمضان من اول اول يوم لآخره الاربعة وعشرين ساعة. يا يعني الخميس الجاي. الخميس الجاي هنبقى في رمضان فعلا. بازن
الله سبحانه وتعالى. هنعمل ايه؟ عايزين نستعد يا جماعة. انا عايز - 00:07:46

وانت على باب رمضان الوقتي تقف مع نفسك وتسألهما. تقول لها وانت على باب رمضان. انت عايزه ايه؟ انت عايزه ايه؟ انت عايزه
تدخلی رمضان يومين عيشة حلوة وسحور وفطار - 00:08:06

وخلال وجود خلاص ولا عايزه تتغيري وتتقلبي بقى في علاقتك بالله. اقف مع نفسك وانت على باب رمضان واسألهما. انت
عايزه ايه؟ انت عايزه حرف الآخرة ولا حرف من كان يريد حرث الآخرة نزد له في حرثه. ومن كان يريد حرث الدنيا نؤته منها وما له
في الآخرة من نصيب - 00:08:16

والعياذ بالله اقف مع نفسك وانت على باب رمضان واسألهما. انت ما ندمتيش على اللي فات! يا جماعة ده العلماء لما عدوا الكبار في
الاسلام لقوا الكبار اكتر من خمسمية كبيرة! انت متخيلا - 00:08:36

خمسمية كبيرة احنا كل اللي نعرفهم سبع تمن كبار. يعني يا ترى احنا وقعنا في كم واحدة منهم؟ يا ترى يوم القيمة هناقي في
صحيفتنا كم واحدة منهم؟ يا ترى كم حاجة عملناها ينطبق عليها قول الله - 00:08:47
وتحسبونه هينا وهو عند الله عظيم. يا ترى يا جماعة يا ترى العلماء بيقولوا لا صغير مع الاصرار او الاصرار ده كبيرة. كم زنب انت
عليه. كم ذنب انت مصرا عليه؟ ممكن يكون شوية مكياج خفيف ده في حد ذاته مسلا مش معصية من الكبار. ولكن الاصرار عليه من
البار. متخيلا معى - 00:08:57

انا عايزك تقف مع نفسك وانت على باب رمضان وتسألهما. انت مش خايفه من اللي جاي. ده الحر القاتل اللي احنا فيه ده هو كله اللي
خلاص هنموت منه. الشمس على بعد - 00:09:17

ثلاثة وتسعين مليون ميل. يوم القيمة هي هتبقى على بعد ميل واحد. الثلاثة وتسعين مليون هتتشال وهتبقى واحد بس اقف مع
نفسك كنت على باب رمضان واسألهما. انت مش حزينة على الوضع اللي انت فيه. انت مش حزينة على الوضع. كل الناس سبقوني. كل
اللي حواليا سبقوني. كل الملزمين سبقوني. ما هو - 00:09:27

في واحد بيسمع الفجر جنبه ينام ويكليل ينزل في الجامع. وفي واحد زي جعفر بن ابي طالب اقطع حبت عشان الاسلام. في غزوة
مؤتة. هم يا جماعة. هم انت من اهل نوع همتك من انهي نوع؟ انا عايزك وانت على باب رمضان تقف مع نفسك وقفه جادة
وتسألهما. انت مش مشتاقلة للجنة؟ ما نفسكىش في الجنة بقى - 00:09:47

يا عبادي لا خوف عليكم اليوم ولا انتم تحزنون. طالعین لسة من الصراط والمیزان والاهوال والشمس والحر والظلام قدامهم الجنة
فالناس فتحت ابواب الجنة رأوا ما لا عين رأت ولا اذن سمعت. ذهروا فبدأوا يخافوا احسن نرجع تاني. احسن نتحرم منها بعد ما
شفناها. احسن الجنة - 00:10:08

تروح مننا فبدأوا يتلفتوا للعذاب ربنا قال لهم لا لا لا خوف عليكم اليوم خلاص ما تبصوش وراكم اطمئنا انطلقا على الجنة. ولا انتم

الذين امنوا بآياتنا كانوا نضاف من جوة وكانوا مسلمين كانوا نضاف من برة. لازم عشان تدخل الجنة تبقى نضيف من جوة ومن برة. لو
انت نضيف من جوة - 00:10:28

هو عينيك هتبقي نضيفة وما تبصش لحرام. وابنك هتبقي نضيفة ما تسمعش حرام. يا عبادي لا خوف عليكم اليوم ولا انتم تحزنون.
الذين امنوا وكانوا مسلمين. ادخلوا الجنة. ياه! ادخلوا الجنة. يا رب انا مش مصدق نفسي. انا باسمع كلمة ادخلوا الجنة. الجنة الرهيبة
دي - 00:10:48

يا رب ده انا عشت حياتي كلها مشتاق لها. الدنيا كلها كل ما اسمع عنها قلبي يتفتر نفسي ادخلها. اخيرا يا رب ادخل الجنة. ده انا كنت
في الدنيا عطشان - 00:11:08

اشرب معلش انها الجنة. جعان كل انها الجنة. طب معلش ريح نفسك من الدعوة شوية انها الجنة. طب ما تطلع كل الفلوس اللي
معك انها الجنة في يوم ورا يوم يا رب من الجنة. ولما مت وفي القبر بتاعي اتفتح لي باب للجنة بس ما كانش ينفع ادخلها. زوجي
شوقي شوقي زاد اكتر واكتر للجنة يا رب - 00:11:18

جه يوم القيمة وازا الجنة ازلفت. شفت الجنة قدام عيني يا رب ريحانة تتلاًّ وريحانة تهتز ونور. شفت الجنة قدام عيني ما قدرتش
اقاوم يا رب ده انا عمري كله عشت شوق للجنة. اخيرا النبي قدامي بيحرك حلق الجنة. واخيرا الابواب بتتفتح. واخيرا الملائكة
خلاص بتأنز. واخيرا - 00:11:38

ربنا سبحانه وتعالى من علينا وقال ادخلوا الجنة. الله اكبر! مش مشتاقين للجنة! انا باقول لكم الكلام. انا باقول لكم اجتهدوا في
رمضان ليه! انا عايز اعزبكم! انا انا عايزكم تدوقوا - 00:11:58

اعظم لذة في الدنيا والآخرة. اقف مع نفسك وانت على باب رمضان واسألهـا. انت مش خايفـة من النار؟ انت مش مرعوبـة من النار؟
كفاية والله اية يطوفون بينها بين النار وبين حميم الان. بين الحميم اللي بيغلي بتاع النار. ادخل المطبخ. ادخل المطبخ الوقتي. ولعي
البوتاجاز على حلة مية كبيرة لغاية ما تغلي - 00:12:08

ولعي الفرن العين الفوكانية والتحنانـية. لغاية ما الفرن بيـقى مولع من جوة. تخيلي مـين يقدر يطلع من المية اللي بتـغلـي يـتحـطـ في
الفرن؟ يطلع من الفرن المشـوي يـتحـطـ في المـية اللي بتـغلـي. يـطـوفـونـ بينـهاـ وـبـينـ حـمـيمـ الانـ. الصحـابةـ كانواـ قـاعـدـينـ معـ النـبـيـ عـلـيـ
الصلـاةـ والـسـلامـ سـمعـواـ صـوتـ شـدـيدـ. صـوتـ ايـهـ دـهـ ياـ رـسـولـ اللهـ؟ صـوتـ - 00:12:28

الحجر بـقـىـ لهـ سـبـعينـ سـنـةـ اـمـاـ وـصـلـ لـقـاعـ جـهـنـمـ. طـبـ هوـ رـبـناـ بـيـسـمـعـناـ صـوتـ الحـجـرـ لـيـهـ؟ دـهـ دـهـ وـقـودـ للـنـارـ. بـيـسـمـعـناـ صـوتـ وـقـودـ النـارـ
ليـهـ؟ رـبـناـ يـرـيدـ انـ هوـ عـرـفـنـاـ انـ النـارـ بـتـعـدـ مشـ معـنـىـ انـكـ غـافـلـ اـنـ تـفـوـقـ. مشـ معـنـىـ انـكـ اـنـتـ غـافـلـةـ وـبـتـعـصـيـ
انـ عـقـوبـاتـ المـعـاصـيـ ماـ بـتـعـدـشـ لـغاـيـةـ ماـ تـتـوـبـيـ. كلـ - 00:12:48

حاجـةـ بـتـعـدـ ياـ جـمـاعـةـ. اـقـفـ معـ نـفـسـكـ وـانتـ عـلـىـ بـابـ رـمـضـانـ وـقـلـ لـهـ ماـ يـنـفـعـشـ. ماـ يـنـفـعـشـ. الشـابـ الليـ بـيـصـحـىـ منـ النـومـ يـنـزـلـ
الجـامـعـةـ يـبـصـ لـدـيـوـنـ دـيـ وـيـتـكـلمـ معـ دـيـ وـدـيـ وـيـسـلـمـ عـلـىـ دـيـ وـدـيـ وـيـاـخـدـ نـمـرـةـ دـيـ وـيـدـيـ مـسـدـ لـدـيـ وـبـعـدـ كـدـهـ وـبـعـدـ ماـ يـخـلـصـ بـقـىـ
اللـقاءـاتـ بـتـاعـتـهـ وـهـوـ ماـشـيـ مـخـنـوقـ - 00:13:08

طبـ بـسـ كـانـ رـبـناـ. طـبـ حتـىـ نـدـخـنـ سـيـجـارـتـينـ حتـىـ وـبـعـدـ كـدـهـ مـخـنـوقـ منـ الصـيـامـ بـقـىـ بـيـعـدـ رـبـناـ وـهـوـ كـارـهـ. بـعـدـ كـدـهـ يـطـلعـ عـلـىـ الدـورـةـ
الرمـضـانـيـةـ يـلـعـبـ كـوـرـةـ يـرـجـعـ القـطـارـ قـبـلـ ماـ يـمـدـ اـيـدـهـ عـلـىـ الاـكـلـ يـشـرـبـ سـيـجـارـتـينـ. يـشـرـبـ يـفـطـرـ عـلـىـ مـعـصـيـةـ اللهـ. بـعـدـ كـدـهـ انـ كـانـ
هـيـنـزـلـ التـراـوـيـحـ بـقـىـ مـمـكـنـ يـنـزـلـ التـراـوـيـحـ. يـنـزـلـ التـراـوـيـحـ يـطـلـعـ مـنـهـاـ عـلـىـ الخـيـمةـ الرـمـضـانـيـةـ - 00:13:25

اـسـهـرـ فـيـهـ لـنـصـ اللـيـلـ بـعـدـ كـدـهـ يـرـجـعـ بـيـتـهـ يـنـامـ ماـ يـصـلـيـشـ الفـجـرـ عـشـانـ يـصـحـىـ تـانـيـ يـوـمـ. يـكـرـرـ الدـورـةـ فـيـ الجـامـعـةـ. يـنـفـعـ يـاـ جـمـاعـةـ؟ دـهـ
رمـضـانـ يـوـصـلـنـاـ لـرـبـناـ؟ مـاـ يـنـفـعـشـ عـلـىـ مـدارـ الـمـعـصـيـةـ وـاـيـهـ اللـيـ تـضـيـعـ لـكـ رـمـضـانـ؟ مـاـ يـنـفـعـشـ مـعـ رـمـضـانـ الخـيـمةـ الرـمـضـانـيـةـ وـالـاـ تـضـيـعـ
لـكـ رـمـضـانـ. مـاـ يـنـفـعـشـ يـاـ جـمـاعـةـ. عـشـانـ تصـومـ صـحـ لـازـمـ عـيـنـكـ تصـومـ. وـوـدـنـكـ تصـومـ - 00:13:45

وـقـلـكـ يـصـومـ وـوـشكـ يـصـومـ وـكـلـ جـارـحةـ فـيـكـ تصـومـ وـلـسانـكـ يـصـومـ لـازـمـ يـاـ جـمـاعـةـ رـمـضـانـ وـاحـنـاـ عـلـىـ بـابـ رـمـضـانـ لـازـمـ تـقـفـ مـعـ نـفـسـكـ
بـتـقـولـ لـهـ اـيـهـ بـقـىـ؟ الـحـيـاةـ فـرـصـ. الـفـرـصـةـ اللـيـ بـتـيـجيـ ماـ بـتـتـعـوـضـشـ. الـفـرـصـةـ اللـيـ بـتـيـجيـ وـتـرـوحـ ماـ بـتـتـعـوـضـشـ. الـحـيـاةـ فـرـصـ. فـرـصـةـ

اهي. انا ضيعت رمضان كتير. والفرصة ربنا - 00:14:05

تاني الفرصة مش هتتعوض. لو انا قعدت اقعنك الوقتي ان الماجستير او الدكتوراه فرصة خدها واتعب شوية بس هتبقى باشا بعدها. ها هتتعب. انما الوقتي انا بقعنك ان رمضان ده فرصة عمرك. اتعب شوية وهتبقى ماشي بعدها. رمضان يا جماعة. ركزوا معي. رمضان فرصة عمرك من اجل جمع اكبر - 00:14:25

كم من الحسنات ازاي ؟ حسنات اليورو بتاع الاخرة الاسترليني والدولارات بتاعة الاخرة. عملة الدنيا بتاعة الفلوس والوقت دي ما بتتمشيش في الاخرة يا جماعة. غيروا عملة غيروا وقتكم وفكركم وحياتكم وكل زرة افتقتنكم لعملات عشان رمضان عشان الاخرة يا جماعة غيرروا بقى ده رمضان ده - 00:14:45

انا مش مش عشرات الحسنات ولا مئات ولا الوف ولا ملايين ده مليارات ده عمرة في رمضان مش بتاع دي العمرة. بتبعدي الحجة مع النبي. امال القرآن في رمضان يبقى ثوابه يتضاعف قد ايه؟ لو تضاعف ثواب الخاتمة - 00:15:05

حوالى ثلاثة مليون حسنة في الايام العادية. في رمضان لو سبعين ضعف يبقى متين مليون حسنة. متين وي. سبحان الله العظيم. يبقى سواب باقي الاعمال وسواب الزكر بيتضاعف قد ايه - 00:15:19

ده في ليلة واحدة في رمضان ليلة القدر. السواب بيتضاعف فيها ثلاثة وثمانين سنة ستين الف ضعف. التسبية بستين الف تسبيح. الصفحة القرآن بستين الف صفحة. الركعة بستين الف ركعة. الصدقة في تقطير صائم ولا سحور. واحد هيصوم بكرة بستين الف صدقة - 00:15:29

الله اكبر فما بالك المضاعفة في باقي رمضان شكلها ايه؟ عشان كده كان النبي من قبل رمضان يدعى عشان يبلغ رمضان والصحابة من قبلهم ست شهور. فيما روي عن رسول الله صلى الله عليه وسلم - 00:15:49

ييجي رمضان يفضل يصلی لدرجة ان لما الصحابة صلوا وراه خافوا ان السحور يفوتهم. ييجي العشرة الاواخر يسيب الدنيا كلها. يعتزلها ويقعد يعبد ربنا ليل نهار ييجي اخر تلت اربع ايام في رمضان حتى الاكل والشرب يسيبه حتى الاكل والشرب. ما يدلوش وقت ويقول اني ابیت عند ربی يطعني ويسقینی - 00:15:59

النبي بيعمل كده في رمضان ليه يا جماعة؟ رمضان ده انت متخيل الصيام ده في الدنيا لخلوف فم الصائم اطيب عند الله من يريح المسك. خلوف فم الصائم اطيب - 00:16:19

هو الحاجة الوحشة لما تبقى حلوة في عينيك امنى ؟ يعني طفل ما هوش حلو، لكن في عينين امه اجمل طفل في العالم لانها بتحبه. الله بيحب الصيام. الله بيحبك وانت صائم. يبقى - 00:16:30

عش في الدنيا في حب الله. تيجي لما تموت للصائم فرحتان. فرحة حين فطره وفرحة حين يلقى الله افراح هيملى موتک افراح. ايوة يوم القيمة بقى يا سلام بقى ريحتك اطيب من خلوف فمك ده اطيب من ريح المسك. الشهيد ریحة دمه الريح ریحة مسك - 00:16:40

انما الصائم اطيب من ريح المسك. انت واحد بالك من المعنى الرهيب دهو؟ يعني الصائم ده ما فيش حد في ريحته اصلا. ما فيش حد في عطره يوم القيمة. النار انت بعيد عنها كل يوم بسبعين - 00:17:00

الخريف بعيد عن النار. الجنة الله اكبر ان في الجنة باب يقال له الريان. الريان هتتروي لما تشبع جميع رغباتك. في الجنة جوة الجنة مش على باب الجنة من كتر التكريم كانه قصر جوة القصر. فيلا جوة الفيلا. استراحة داخل القصر حاجة بقى ما حصلتش - 00:17:10

وحشين كده يا جماعة عشان كده طب ليه؟ ليه السواب الرهيب ده؟ لأن شف ربنا بيقول في الحديث القدسي ايه؟ انه ترك شهونه من اجلي. ترك. كلمة ايه التركة دي هي اللي فيها السر كله ساب انه ساب عشان ربنا. يا حبيب قلبي يا اختي في الله ده اللي ساب لقمان وبق مية عشان ربنا في الدنيا اداله - 00:17:27

في الجنة اسمه الريان. لو انت سبت المعاصي اللي بتعملها. لو انت سبت البنات اللي انت بتتكلمتها. لو احنا تبنا الى الله وسبنا كل حاجة

بتعطلنا عنه. امال هيدينا ايه؟ لو سينا - 00:17:47

كل حاجة لله. من ترك شيئاً لله عوضه الله خيراً منه. لقمنين بباب في الجنة. امال لو سبت بقى له اكتر من كده؟ لو سبت الشهوات. يا اهي يبقى ازا يا جماعة رمضان فرصة عمرك من اجل جمع الحسنات. رمضان فرصة عمر وعمرك وعمرنا كلنا. من اجل تسديد الديون - 00:17:57

اللي علينا. فيه حاجة اسمها مواسم في كل تجارة. في بتوع الاكل رمضان موسم. بتوع اللبس العيد موسم. آآ تيجي له تقول له الدين اللي عليك يقول لك لأن تعال - 00:18:17

في الموسم.انا في الموسم ما باكسبيش ميات انا باكسب الوف مؤلفة. عشان كده لو ما سدّدتش في الموسم ما يعرفش يسدّد طول السنة. اهو رمضان ده الموسم بتاعنا يا جماعة اللي احنا بنسدد الزنوب اللي عليه - 00:18:27

سبحانه وتعالى. لو انت ما سدّدتش في رمضان مش هتعرّف تسلم طول السنة. رمضان ده الموسم اللي احنا بنجمع فيه الوف مؤلفة من الحسنات. عشان كل زنب بتعمله شوكة في قلبك - 00:18:37

تخيل لو شوكة في رجلك تؤلمك قد ايه ؟ طب لو شوكة في قلبك؟ رمضان جاي ينزع الاشواك دي. يبقى نفرح به قد ايه ؟ يا اللي عليك مئات الالوف من السينات لله. فرصة - 00:18:47

عمرك جت! يا اللي عليك الكبائر في صحيفتك فرصة عمرك جد! يا اللي عشت سنين في الحرام فرصة عمرك جت! احنا فينا ناس يا جماعة بتعمل الوف الزنوب يوميا! بس - 00:18:57

احنا نخرج من رمضان بس زنوب غض البصر من الكفاره. زنوب التليفزيون متکفرة. زنوب الغيبة متکفرة. عايزين نشد حيلنا في رمضان احنا جايين لك يا رب في رمضان بقى لنا حداشر شهر بنعصيه جايين وعلى ضهرنا جبل زنوب. شيله من على ضهرنا يا رب. ارحمنا يا رب. رغم انف امرئ ادرك - 00:19:07

ولم يغفر له مناخيره هيتمرمغ في التراب يوم القيمة من الندم. على انه ما اشتغلش وما اجتهدش في رمضان. رمضان فرصة عمري وعمري وعمرنا كلها كلنا. رمضان فرصة عمرك من اجل صفحة جديدة مع الله. الله! وانت داخل رمضان كده تلات يقط خمار مكتوبين من قام - 00:19:27

رمضان ايمانا واحتسابا غفر له ما تقدم من ذنبه. اليافطة الثانية من صام رمضان ايمانا واحتسابا غفر له ما تقدم من ذنبه. الثالثة من قام ليلة القدر ايمانا واحتسابا غفر له ما تقدم من ذنبه. يعني ايه غفر له ما تقدم من ذنبه؟ يعني صفحة جديدة مع الله سبحانه وتعالى. ورمضان - 00:19:47

الاعمال بتاعتنا بترفع في شعبان. يعني رمضان ده اول صفحة في الصحيفة الجديدة. يعني انت لما تستغل تبقى اول صفحة منورة في الصحيفة اللي هتلطع الى الله سبحانه وتعالى عنك. يبقى دي - 00:20:07

صفحة جديدة مع الله سبحانه وتعالى. يعني ايه ايمانا واحتسابا؟ احتسابا؟ يعني انت بتشتغل وانت قلبك عايش مع الجنة يا رب. انا يا رب باشتغل وباعبدك عشان تدخلني الجنة يا رب احتسب الجنة يا رب من وراء عملي. دخلها لي يا رب. امتى يا رب هسمع كلمة دخلوا الجنة؟ امتى يا رب الابواب هتفتح قدامي يا رب - 00:20:17

الملائكة هتسوق بي لغاية الجنة يا رب. والنبي عليه الصلاة والسلام هلاقيه على باب الجنة يا رب. امتى ابص لوجهك الكريم يا رب؟ امتى دخل الجنة كده واجري يمين وشمال - 00:20:37

وادخل القصور وادخل الغرف واكل من الثمار واشرب من العصائر واكل من الطيور بتاعتها واروح الصحبة دي وازور اصحابي في الفردوس الاعلى وازور اصحابي في وازور اصحابي هنا وهنا امتى يا رب؟ امتى يا رب؟ امتى يا رب دخل الجنة بقى؟ رمضان فرصة عمرك وفرصة عمرك من اجل - 00:20:47

مع الله. مش يقول لك ساعة لقلبك رمضان شهر لقلبك انت بتحط الشاحن في المحمول تلات ساعات تمشي به تلات تيام. انت هتحط قلبك في الشحن شهر كامل. تلاتين يوم تمشي به قد ايه بقى؟ يبقى - 00:21:07

يعني الشباب اللي بينزل الجامعة يقعد يعيط من الفتن اللي فيها والبنات والمنازر ويرجع يبكي. احد الشباب كان مبهور بشاب التزم جديد. كل شوية بيجي يقول لي ده عمل ده سوى ده معقدني ده ما حصلش. مرة لقيته جاي مفروع. ايه يا ابني فيه ايه؟ قال لي ده انتكس. ده انا شفت منظره غريب جدا. رحت اسأل عنه قالوا لي لا حول ولا قوة - 00:21:21

انتكس قلت له يا حبيب قلبي انت مستغرب من ايه ؟ حاجة طبيعية جدا. اي واحد هيدخل سكة الدين ومش هيهم باصلاح قلبه هيتنكس ، ليه ؟ امراض وشهوات زمان هتطلع عليه في لحظة من اللحظات. حاجة طبيعية قلبك. شهر لقلبك. شهر لقلوبنا جمیعا يا جماعة. شهر بقى ده الصحابي - 00:21:41

لما الرسول طمعهم في الجنة قبل الجهاد رمى التمرات من ايديه. قال لان عشت حتى اكل هذه التمرات انها لحياة قليلة. ده شعرنا في رمضان. نرمي الدنيا من ايدينا. لان - 00:22:01

حتى اكل هذه التمرات. انها لحياة قليلة. ما فيش وقت حتى ان اانا اكل تمرة واحدة. ما فيش وقت في رمضان غير للعمل. والجهاد والاجتهد شهر لقلبك. فرصة للمصالحة مع الله. لما اب يكون زعلان زعلان من ابنه. انت زعلان ليه؟ من كزا وكزا وكزا. ومش هرضي عنه الا لما يتغير - 00:22:11

لازم تتغير لازم تتغير لي. لازم نتغير يا جماعة. رمضان فرصة ان احنا تتغير. فرصة ان قلبك يتغير. ده انت بتتمضمض في رمضان في الوضوء. بيبقى فيه نقطة مية في بقك. ما فيش مخلوق حاسس - 00:22:30

بها وتقدر تبصق تلات اربع مرات عشان عارف ان ربنا شايفها سبحانه وتعالى من فوق سبع سماوات. مقام المراقبة هييجي في قلبك. قلبك هتتغير في رمضان. لما تتعود على صيام تلاتين يوم تخرج من رمضان واحد على الصيام. اتنين وخميس سهلين. خدت تلاتين يوم تهجد من غير منبه. انت بتتصحي - 00:22:42

قيام الليل تلاتين يوم بتقرأ القرآن خلاص يا رب انا حبيت القرآن ما اقدر اشييه بعد كده. ولا يوم تلاتين يوم بتزهد في الفطار ما تتقlesh في الفطار خدت على - 00:23:02

تلاتين يوم بتكتفي الاسرة فقيرة دورت عليها لغاية ما ربنا رزقك بها بقى باب طول السنة كل ما تحب تدي صدقة عرفت مكان اسرة فقيرة تديها عندك تودي الاسرة شوية اكل من اللي عندك. عندك ازازتين زيت وقرازتين سكر وكيسين تودي للاسرة الفقيرة. رمضان يا جماعة فرصة للتغيير في حياتنا. فرصة ان كل حاجة - 00:23:12

في حلة تتغير اوعوا تضيعوها. رمضان فرصة عمري و عمرك لتمتين اساس ديننا الرسول بيقول بنى الاسلام على خمس خمس عواميد كبيرة. الشهادتين والصلوة والصوم والزكاة والحج. يعني الصوم قبل الاسلام دينك. يعني لما تصوم تلاتين - 00:23:32

ورا بعض اساس دينك يمتن ولا لأ ؟ يمتن. يعني لما تلاتين يوم تكبيرة احرام وصلوة جماعة ونواافل وتهجد وتروايج. اساس دينك يمتن ولا لأ ؟ يمتن يعني لما تلاتين يوم يقينك بالشهادتين يزيد من قراءتك للقرآن. اساس دينك يمتن ولا لأ ؟ يمتن. تيجي بعد رمضان تقدر تعلي دوار بقى فوق بقى. لان - 00:23:51

الاساس متين. تعلي دور الدعوة الى الله تستحمل. لان الاساس متين. رمضان فرصة عمرك للفوز في الآخرة. فرصة عمرنا والله يا جماعة ان احنا في الآخرة ازاي؟ ياه ده الصحابة كانوا بيقدعوا ست شهور قبل رمضان يدعوا ربنا انهم يبلغوه. وست شهور بعد رمضان يدعوا ربنا انه يتقبل. يعني يا رب انا - 00:24:11

انت مش عايز اقابلك غير برمضان. بس انت تقبل مني رمضان. ارجى عمل عملته في حياتي يعني الرسول عليه الصلاة والسلام بيقول ايه ؟ اذا كانت اول ليلة من رمضان احداث كونية رهيبة هتحصل بعد اسبوع - 00:24:31

عاوزة كده تقول ايه يا رمضان صفت الشياطين ومردت الجن. اووعي ربنا يصفد لك شياطين الجن تروح برجليك لشياطين الانس اووعي من صحبة السوء في رمضان. اووعي من صحبة السوء في رمضان. يا جماعة ولما خنزة بشيطان الوسوسه في الصلاة يتتكلب. وتيجي بعد كده تسرح في الصلاة بقى انت الوحش. فضحت - 00:24:42

قادم نفسك. فضيحة ما فيش شيطان اهو. يعني عدوك متصرف. لما تدخل معركة مع واحد بتتكلبس ويكتبك بقى انت ما انتش حاجة

كانت اول ليلة من رمضان صفت الشياطين ومردت الجان وغلقت ابواب النار. فلم يفتح منها باب. يا الهي! لم يفتح من الباب ولا باب واحد. اذاء يا رب؟ اوع . دينا بتفتحها لك تفتحها عل . نفسك سب - 00:25:22

جديد. وفتحت ابواب الجنة فلم يغلق منها باب. ولا باب يا رب. يعني الوقت اهو انت ما انت باب مفتوحين اهمت كل باب فيه بدائع معجزات غير الدنيا هم من بعيد اهو اجري اجري قدامك تلاتين يوم هتلحق في التلاتين يوم انك تلحق كم باب من الابواب دي هتخرج بكم باب اهم مفتوحين اهو - 00:25:37

ابقى فوق في العشرة الاواخر. وفي العشرة الاواخر يا سيدى - 00:25:57

سبعة وعشرين زي ما ضبع عمر الشباب الوقتي. بایه؟ عليك عمر طويل فاركض. يا جماعة السمكة لو دخلت شبكة الصياد وما لقتش مخرج تخرج هنتتشوى في النار بعد ساعة. انتم الوقتي زنوبنا محبيطة بنا. لو ما لقيناش مخرج هنتشيهم في النار. يبقى المخرج ربنا اداه لنا وهو رمضان - 00:26:17

اه يا عم الشيخ بقى يا عم الشیخ نعم يا حبیب قلبي الشیخ! يا عم الشیخ! نعم يا اخت عم الشیخ في الله! يا مولانا! نعم يا حاج!
خلاص، احنا - 00:26:37

رمضان خلاص هننطلق ان شاء الله. اللي هيقول واحد رمضان هينزلق تلات رمضان هيقع. ليه؟ ما سخنش ما سخنش. انس بن الناصر يا جماعة لما فاتته غزوة بدر سؤال لان ادركت غزوة اخرى مع النبي ليりين الله ما اصنع. انت قل كده لان ادرك رمضان ليりين الله ما

انس ابن النضر لما دخل غزوة احد لقى النبي المشركين ملفوظين حواليه والمسلمين فيه ناس هربت برة المعركة بص للمشركين وقال اللهم اني ابرأ مما فعل هؤلاء وبص للمسلمين وقال واعذر اليك مما فعل هؤلاء. تلاقي الخيبة الرمضانية منصوبة والدش شغال والشباب بيتفرجوا. تبعص - 00:27:07

وتقول اللهم اني ابرأ اليك مما فعل هؤلاء. وتبص على الشباب وتقول واعتذر اليك مما فعل هؤلاء ثم تنطلق. قبل اقول لك الجدول
بتاع رمضان قبل ما اقول لك استعد لرمضان باقول لك استعد للموت. ايوة هو صحيفه الوفيات يوم واحد رمضان. مش مليانة؟
مليانة والله العزيم. ساعتها الوفيات مليانة. يا - 00:27:27

مع الاهرام فيها تلات صفحات وفيات كل يوم. تلات صفحات. يعني لسه قدامنا حوالي ثلاثة في سبعة بواحد وعشرين صفحة وفيات. ممكن يكون عايزين ممكن يكون اخر رمضان في حياتنا على رمضان الجاي هيكون تلات صفحات وفيات في تلتيميت يوم ده حوالي الف صفحة. معقول انا مش هبقى واحد منهم! ده اخر ممكن يكون اخر فرصة في - 00:27:49

فيه ناس دلوقتي والله وانتم بتسمعوا عن ربنا. فيه ناس دلوقتي بتزني وناس بتشرب مخدرات قوموا واشكروا نعمة ربنا ان انا هسمعكم عنه. وان هو سمعكم عشان نفوق في رمضان ونشتغل في رمضان. يا جماعة كم واحد صاحبك مات من السنة اللي فاتت؟
كم واحد قريبك مات من السنة اللي فاتت؟ كم واحد جارك وتعرفه مات من السنة اللي فاتت؟ كتير كتير - 00:28:09

قبل رمضان. ليه ما اكونش انا - 00:28:29

ليه ما تكونش انت؟ قبل رمضان لازم تاخد بالك من الحرام اللي هيسرق منك رمضان. الجدول ده مليان حسنات. صفقات صفقات كنوز. كنوز بازن الله. الكتوز في في حرامي انت قاعد في رمضان في الموسم قاعد تقضي الوفات من الزبائن ومقدد على الخزنة حرامي. قاعد يسرق منك. الكاميرا الخفية بعد الفطار شغالة - 00:28:39

او عي تترفج عليا في الكاميرا الخفية الحقيقية. الكاميرا الخفية من عند الله سبحانه وتعالى. اللي بتراقبك. يا جماعة ده الواحد لما هيكون مسافر مسلا جوة يعني نازل مشوار جوة المحافظة بتاعته هينزل يدور العربية ويمشي. انما لما تكون مسافر من مصر لل سعودية بعرينتك لأ هتكشف على الكاوتشر وعلى البطارية وعلى البنزين وعلى الفتيسي وعلى الجادون اه - [00:29:01](#)

ده سفر طويل. رمضان تلاتين يوم. عايز قلب ماراثوني. عايز لياقة ايمانية عالية. افرض جيت تنزل رمضان يوم واحد. رمضان تبدأ تجتهد؟ ليه تتنك فضي؟ لقيت البطارية نايمة لقيت الكاوتشر اللي نايم منك. لقيت الجادول مش متحكم فيه نفسك مش متحكم فيها. عشان كده لو انت مت دلوتني. بعد اسبوع ربنا قال لك هديك كمان يوم. احيا كمان - [00:29:21](#)

صلة الفجر لأن ما ضيعهاش. جلسة الضحى دي حجة وعمره. النهار لأن دا انا صائم. بالليل القيام. اعتبر كل يوم في رمضان اخر يوم في حياتك. اعتبر كده الساعة في رمضان تفرق. انتم عارفين اللي يفتر عن العبادة ساعة في رمضان عامل زي ايه؟ اللي يفتر عن الشغل ده في رمضان ساعة عامل زي ايه؟ عامل زي تاجر في عز - [00:29:41](#)

موسم قفل المحل بتاعه. وقف لله تعالى خلاص يا رب. خلاص يا رب يتراوينا ما اصنع يا رب. خلاص انا عندي خمسة وتلاتين سنة مسلا مسلا يعرف فات علي عشرين رمضان فرصة ولسه ما اتعتقتش من النار عشرين فرصة ولسه ما دخلتش الفردوس الاعلى! يبقى انا كنت بلعب بقى قبل كده! يبقى لازم رمضان ده يبقى - [00:30:03](#)

رمضان جديد بازن الله. نبدأ في الكلام في الجدول الوقتي يا جماعة. الجدول ده هو يعني طبعاً صعب انكم تشوفوا الورقة. ولكن ده الورقة اللي اتبع فيها الجدول آآ يعني طباعة جميلة بازن الله سبحانه وتعالى يوم في حياة صائم. هيبدأ الجدول بتاعتنا من اول بعد العصر. بعد العصر يعني اسمع العصر واروح اصللي طبعاً. لا او عي يا حبيب - [00:30:23](#)

الجدول ده هيبدأ من امتى؟ يوم الأربع اللي جاي اللي هو اول ليلة في رمضان. او عي رمضان المغرب بتاعه يدين وانت غافل ولا نايم ولا مشغول. المغرب يدين وانت في الجامع - [00:30:43](#)

مستعد ومستنيه. العصر بيبدأ العصر. العصر ابقى في الجامع. او عي يا حبيب قلبي. او عي يا اختي. انت تبقي على سجادة الصلاة بتاعتك قبل الاذان. وانت تبقي في الجامعة قبل اللادان متوضي ورایح الجامع. عشان او عي يفوت عليك سواب ترديد الاذان. او عي يفوت عليك سواب السنة القبلية. او عي يفوت عليك سواب الدعاء بين الاذان والاقامة المستجابة - [00:30:53](#)

او عي يفوت عليك صواب تكبيرة الاحرام. سواب الصف الاول. ثواب صلاة الجمعة. ثواب ا Zukar بعد الصلاة. ثواب السنة البعدية. سواب الخشوع في الصلاة. او عي يا اختي او عي يا جماعة يبقى العصر يدين علينا واحنا متوضيين وعلى سجادة الصلاة في البيت او في الجامع. الست في البيت والراجل في الجامع. خلاص اتفقنا بعد العصر هتعمل ايه - [00:31:13](#)

الحاجة اللي هقولها لكم دلوتني دي من اكتـر الحاجات اللي غيرت حياتي. اي والله. من اكتـر الافكار اللي اسرت في. انتم عارفين انا عملت بعدها زي ايه؟ زي واحد كان راكب عربية - [00:31:33](#)

سرعتها عشرين كيلو في الساعة فهو بيسافر يعني بقى بيأخذ مرسى المنصورة للقاـرة دي بقى في يومين ثلاثة مسلا. فعمل حاجة كده فجأة كده او او حد عرفه حاجة فجأة في العربية لقى العربية بتمشي - [00:31:46](#)

اتنين كيلو في الساعة. ايده ده انا ما كنتش راكب. انا اول مرة يا جماعة اكتشف القرآن بالفكرة دي. فعلـا او من الافكار اللي غيرت حياتي لوحدي. ايـه هي - [00:31:57](#)

انا كلـا بنـقـف في التـراـويـح بنـصـلي سـرحـانـين مش فـاهـمـين الـاـيـات. طـبـ الحلـ اـيهـ؟ لما يكونـ فيـ مـادـهـ صـعـبـةـ محـاضـرـهـ عـنـدـكـ اوـ مـادـهـ صـعـبـةـ فيـ المـدرـسـهـ عـنـدـكـ بـتـعـمـلـيـ اـيهـ؟ بـنـحـضـرـ المـادـهـ قـبـلـ ماـنـحـضـرـ الحـصـهـ اوـ الـمحـاضـرـهـ. تـحـضـرـ الحـصـهـ اوـ الـمحـاضـرـهـ مـرـكـزـ تـعـامـ

الـتـعـامـ تمامـ تـمـرـ عـلـيـكـ كـأـنـهـ دـقـيقـتـيـنـ. اـحـناـ هـنـحـضـرـ - [00:32:07](#)

الجزء اللي هيـتـقـرـاـ فيـ التـراـويـحـ بالـلـلـيـلـ. ايـهـ رـأـيـكـمـ؟ يعنيـ هيـتـقـرـاـ الجـزـءـ الـاـولـ يـبـقـيـ العـصـرـ لـلـمـغـرـبـ فيـ الـاـرـبـعـ الـجـايـ دـهـ نـقـرـاـ

الجزءـ الـاـولـ بـسـ خـدـ بالـلـكـ بـالـعـصـرـ الـمـغـرـبـ اـقـدـ اـقـرـاهـ بـخـشـوعـ بـتـرـكـيـزـ بـتـدـبـرـ بـتـكـارـ عـيـشـ معـهـ عـشـ. اـنـاـ فـاـكـرـ سـنـةـ كـنـتـ بـصـلـيـ وـرـاهـ اـمـامـ

يـبـقـرـأـ جـزـءـ وـنـصـ فـيـ الـلـيـلـةـ - [00:32:27](#)

كنت بحضور الجزء ونص اقرأ تفسيرهم بسرعة هو ايه من تفسيرهم واحضرهم واقراهم بسرعة. واقرأهم يعني قربت لهم. واروح والله يا جماعة كأني كنت بصلي وراه ركعتين والاخ اللي على يمينك وشمالك ممكן تعانين وانت ولا انت داري. انت عايش مع الايات. حضروا الجزء اللي هيتفقى في التراويح. واحد هيقول لا لا استنى استنى. ده انا عايش في رمضان بقرا كتير كتير - 00:32:47
انا عايز اكتم كتير جدا. انا يا حبيب قلبي. يا جماعة يا جماعة اسمعوا كلامي والله العزيم علاقتكم هتنقلب بالقرآن. هتكلتشفوا في القرآن حاجات عمركم انت كنتم مكتشفينها كنتم بتعتبروا ان اللة سرعتها عشرين كيلو في طلعت الفين كيلو في الساعة. والله المثل الاعلى. هتكلتشفوا ان ان القرآن ده بيجب طاقة ايمانية - 00:33:07

رهيبة. سـم انت في الجدول ده زي ما هنقول الوقتي انت ما فيش فرق بينك وبين اللي بيختـمـ كـتـيرـ ليـهـ؟ اللي بيختـمـ كـتـيرـ دـهـ كل اسبوع بيختـمـ مرة. بيـقـيـ فيـ رـمـضـانـ الـرـبـعـ قـدـ مـاتـ - 00:33:27

انت ماشي في اربع ختمات مع بعض. ازاي؟ هنقول الوقتي. بيـقـيـ اـزاـ عـاـيـزـينـ نـحـضـرـ الـجـزـءـ بـتـاعـ التـراـوـيـحـ منـ العـصـرـ لـلـمـغـرـبـ. دـهـ حـضـرـواـ تـحـضـيرـ كـوـيـسـ تـمـسـكـ الـجـزـءـ كـدـهـ تـقـرـاـ وـتـعـيـشـ معـ اـيـةـ معـ بـدـاـيـاتـهـاـ وـمـعـ خـوـاتـيـمـهـاـ وـمـعـ كـلـمـةـ لـيـهـ - 00:33:37
القرآن بـقـيـ القرآنـ تـيجـيـ تصـلـيـ فيـ التـراـوـيـحـ وـالـلـهـ العـزـيمـ هـتـدـعـيـ ليـ. مـشـ هـتـسـرـحـ اـبـداـ باـزـنـ اللهـ سـبـحـانـهـ وـتـعـالـيـ. طـيـبـ. بـعـدـ كـدـهـ قـبـلـ المـغـرـبـ بـرـبعـ سـاعـةـ يـكـونـ فـيـ الجـامـعـ طـبـ اـنـاـ بـطـبـخـ وـاـنـتـ وـاـنـتـ بـتـطـبـخـيـ لـكـمـ دـعـوـةـ مـسـتـجـابـةـ كـلـ يـوـمـ تـضـيـعـوـهـ اـزاـيـ؟ دـهـ اـنـتـ دـعـمـوـاـ الـصـلـاـةـ كـلـ يـوـمـ يـعـنـيـ تـلـاتـيـنـ - 00:33:53

دعـوـةـ مـسـتـجـابـةـ لـنـاـ فـيـ رـمـضـانـ. اـنـتـ لـوـ تـلـاتـيـنـ مـشـكـلـةـ وـمـشـاـكـلـ حـيـاتـكـ اـهـيـ. لـوـ تـلـاتـيـنـ طـمـوـحـ مـنـ طـمـوـحـاتـكـ اـتـحـقـقـ هـيـفـضـلـ فـيـ حـيـاتـكـ نـقـصـ اـيـهـ؟ لـكـ دـعـوـةـ اوـعـيـ تـضـيـعـ - 00:34:15

اوـعـيـ تـضـيـعـيـهاـ. الـرـبـعـ سـاعـةـ الـاـخـرـانـيـ دـيـ تـبـقـيـ فـيـ الجـامـعـ. مـعـ كـتـيبـ منـ كـتـيـبـاتـ جـوـامـعـ الدـعـاءـ تـخلـصـهـ. تـدـعـيـ. اللـيـ فـاتـ يـاـ ربـ اـغـفـرـهـ. اللـيـ جـايـ يـاـ ربـ سـبـتـهـ اللـيـ اـنـاـ فـيـهـ بـعـلـمـهـ دـلـوقـتـيـ يـاـ ربـ تـقـبـلـ منـيـ. تـمـسـكـ الـكـتـيبـ وـتـقـرـاـ. يـاـ جـمـاعـةـ وـاـنـتـ وـاـنـتـ بـتـطـبـخـيـ تـقـرـيـ. يـاـ جـمـاعـةـ دـهـ لـوـ وـاـنـدـ مـنـنـاـ لـهـ وـجـبـةـ مـجـانـيـةـ فـيـ فـنـدـقـ هـيـرـكـبـ - 00:34:25

عـشـانـ يـاـخـدـهـ. لـاـ لـاـ مـاـ يـنـفـعـشـ نـضـيـعـ الـكـلـامـ دـهـ اـبـداـ يـعـنـيـ اـنـاـ وـالـلـهـ العـزـيمـ مـاـ بـكـلـمـكـ عنـ حـاجـةـ اـنـاـ مـاـ شـفـتـ اـعـصـارـهـ فـيـ حـيـاتـيـ. اـنـاـ شـفـتـ اـسـرـ الدـعـاءـ فـيـ حـيـاتـيـ - 00:34:45

والـحـجـ وـالـعـمـرـةـ الـلـيـ فـاتـوـ بـفـضـلـ اللـهـ كـانـ رـبـنـاـ فـتـحـ عـلـىـ صـدـريـ فـيـ الدـعـاءـ لـيـلـ بـفـضـلـ اللـهـ. اـنـاـ اـنـاـ يـاـ جـمـاعـةـ اـنـاـ بـكـلـمـكـ عنـ الدـعـاءـ دـايـماـ لـانـيـ شـفـتـ اـسـرـ فـيـ دـنـيـتـيـ - 00:34:55

بـكـلـمـكـ عنـ الدـعـوةـ الـلـهـ دـايـماـ وـنـفـسـيـ تـدـعـواـ الـلـهـ لـانـيـ شـفـتـ اـسـرـارـهـ فـيـ دـنـيـتـيـ. كـلـ عـمـلـ بـكـلـمـكـ عـنـهـ شـفـتـ اـسـرـهـ فـيـ دـنـيـتـيـ.
عـشـانـ كـدـهـ مـمـكـنـ وـاـنـدـ يـقـولـ هوـ هوـ سـخـنـ لـيـهـ؟ هوـ بـيـتـكـلـمـ بـسـخـونـيـةـ كـدـهـ لـيـهـ - 00:35:05

يعـشـانـ كـدـهـ مـمـكـنـ وـاـنـدـ يـقـولـ هوـ هوـ سـخـنـ لـيـهـ؟ هوـ بـيـتـكـلـمـ بـسـخـونـيـةـ كـدـهـ لـيـهـ - 00:35:15
يعـنـيـ اـنـاـ مـشـيـتـ فـيـ شـارـعـ وـاـنـاـ لـسـةـ بـخـطـيـ فـيـ لـقـيـتـ مـلـيـونـ جـنـيـهـ. مـلـيـونـ جـنـيـهـ! هـارـجـعـ هـاقـولـ لـكـ آآـ فـيـ النـصـ كـدـهـ عـلـىـ فـكـرـةـ دـهـ اـنـاـ

لـقـيـتـ مـلـيـونـ جـنـيـهـ. وـلـاـ هـارـجـعـ - 00:35:25
وـاـنـاـ مـبـهـوتـ وـمـشـدـوـقـ! الـحـقـ! دـهـ اـنـاـ لـقـيـتـ مـلـيـونـ جـنـيـهـ فـيـ اـوـلـ خـطـوـةـ فـيـ الطـرـيـقـ! بـيـقـيـ الطـرـيـقـ دـهـ كـلـهـ كـنـوزـ! تـعـالـ نـمـشـيـ مـنـ الشـارـعـ

دـهـ اـنـاـ جـايـ اـقـولـ لـكـمـ كـدـهـ! اـنـاـ لـقـيـتـ مـلـيـونـ! وـالـلـهـ - 00:35:25

الـواـحـدـ بـيـشـوـفـ اـيـاتـ. يـاـ جـمـاعـةـ قـومـواـ يـاـ جـمـاعـةـ اـجـتـهـدـواـ يـاـ جـمـاعـةـ. اـنـشـطـواـ يـاـ جـمـاعـةـ. اـنـشـطـواـ فـيـ الدـعـوةـ الـلـهـ. اـنـشـطـواـ فـيـ القرآنـ.

اـنـشـطـواـ فـيـ صـنـعـ الـخـيـرـ. هوـ رـمـضـانـ تـلـاتـ كـلـمـاتـ - 00:35:35

دـعـوـةـ قـرـآنـ صـنـعـ خـيـرـ. هوـ دـهـ التـلـاتـ كـلـمـاتـ بـتـوـعـ رـمـضـانـ. وـهـمـ دـهـ مـلـخـصـ الـجـدـولـ دـهـ. اـجـتـهـدـواـ يـاـ جـمـاعـةـ. اـنـتـمـ مـاـشـيـبـنـ فـيـ طـرـيـقـ
سـلـيـمانـ نـالـ فـيـهـ الـمـلـكـ وـاـيـوبـ شـوـفـيـ منـ مـرـضـ ماـ لـوـشـ شـفـاءـ عـنـدـ الـاطـبـاءـ. مـاـشـيـبـنـ فـيـ طـرـيـقـ الصـحـابـةـ بـقـواـ قـادـةـ حـكـامـ اـمـ وـدـولـ.
مـاـشـيـبـنـ فـيـ طـرـيـقـ الصـالـحـينـ رـفـعـواـ عـلـىـ مـنـابـرـ - 00:35:45

الـنـورـ فـيـ ظـلـ عـرـشـ اللـهـ يـوـمـ الـفـزـ الـاـكـبـرـ فـيـهـ. اـنـتـمـ مـاـشـيـبـنـ فـيـ طـرـيـقـ سـيـدـنـاـ اـبـرـاهـيمـ صـبـ عـلـيـهـ الرـزـقـ صـبـاـ فـيـهـ. قـومـواـ بـيـعـوـ حـيـاتـكـمـ
لـهـ. خـلـواـ كـلـ لـحـزةـ فـيـ حـيـاتـكـ قـومـواـ مـاـ تـنـامـشـ. هوـ اللـيـ قـامـ زـيـ اللـيـ مـاـ قـامـشـ. هوـ اللـيـ هـيـقـومـ الـلـيـلـ الـاـسـبـوـعـ الـلـيـ قـبـلـ رـمـضـانـ زـيـ اللـيـ

ما قامش. هو اللي هيعدو لله زي اللي ما دعاش. هو اللي هيケفل اسر ففيرة زي اللي ما كفالشي. هو - [00:36:05](#)
اللي هيختم قرآن كثير زي اللي ما ختمش قوموا واجتهدوا. من تقرب الي شبرا تقربت منه ذراعا. طب ومن تقرب الي ذراعا؟ تقربت منه باعا. طب والاتاني امشي اتيتوه هرولة يعني ايه؟ كل واحد منكم له معاملة - [00:36:25](#)
كل واحد منكم هيتعامل على قد ما قدم. على قد ما عمل. على قد ما قدمت لله على قد ما هتعامل. ما تناوش. رمضان ما فيش فيه ساعة للنوم. رمضان ما فيش فيه سعة للغفلة - [00:36:40](#)

امضى شهر عمرك ده مشروع حياتك. ده نور طريقك. ده فرصتك لاقامة علاقة ولالية مع الله. رمضان ده ما فيش فيه نوم ولا غفلة. رمضان ده الموسم يا تجار الاحرة يا طلاب الفردوس الاعلى. يبقى اذا الربع ساعة الدعاء دي اوعى تضيعها. ادع لدینك ولدینتك [00:36:50](#)
والاخرين. هات كتيب دعاء واقعد ادعى منه. وانت بتدعى

في المطبخ. ادن المغرب. اوعى المغرب يأدن عليك وانت في الشارع. يأدن عليك وانت في المسجد. الله! طب وقف بس لقمنتين في البيت. اوعى! هتلحق المغرب في الثالثة. انت ابقي في المسجد عشان تفوز بالسواب اللي احنا قلناه في العصر بقى. تكبيرة الاحرام [00:37:10](#)
والصف الاول والجامعة والسنة القبلية والازكار والاذان - [00:37:10](#)

اللي ما بين الاذان والاقامة تروح المسجد كده يا حبيب قلبي وانت رايح كده ومعك شوية تمر في ايديك تدي الله تمرتين وهاتوا تمر غالى عشان الناس فعلا تفطر عليه هاتوا تمر - [00:37:30](#)

شوية نصيحة خلیکم تجار اخر ازکیة بقى. واحد هيقول لي طب انا انا يعني نزلت طبق تمر للمسجد عشان الناس تفطر عليه. بس ما حدش عربني. الناس راحوا جابوا وخدوا - [00:37:40](#)
التمر الثاني وما حدش اكل منه. يا جماعة انا هاقول لكم يعني اصل هو رمضان رمضان ده يعني يعني رمضان ده عايز واحد بيفكري صحيحة يعني كان عندنا في المسجد اللي جنبنا واحد بنى الناس بتجيب تمر فبدأ يجيب تمر يجيب لوز. اللوزة يكسرها تلات حتى ويحط جوة كل تمرية تلت لذاق - [00:37:50](#)

فبقى الناس تدریجيا سابوا كل التمر وبدأوا يأكلوا التمرة بالوزدوق. فالراجل كسب. واحد تاني كان بينزل كوبایات عصير. كان المسجد بيصلی فيه مسلا خمسة ده اللي بيصلی فيه مية وخمسين. سبحان الله! رغم انه في منطقة غنية جدا. انما الناس كوبایة العسل عصا البطة فوق ونزل يشرب كوبایة عصير. فخليلك زكي. خليلك زكي. فيه اخوات - [00:38:11](#)
اخوة واخوات يجيبوا كياس تمر بس غالیة شوية ويديها واحد يقول له بالله عليك لا تفطر عليها طول الشهر. يبقى اذا اول حاجة في تفطیر الصائمين ممكن تعملها ايه؟ اللي هي - [00:38:31](#)

تمر في المسجد تحطه بس حط فيه حته لوز كده. يعني على مدى الشهر كله اتنين كيلو رز ولا حاجة. يا بلاش والله. او تدي اكياس تمر لصحابك وتعاهدهم قدام ربنا انهم يفطروا على - [00:38:41](#)

كل يوم. دي اول حاجة. الحاجة الثانية لتفطیر الصائمين. انا بقول لكم افكار مهمة جدا. خدوا بالكم. الحاجة الثانية انا كنت رايح المسجد تدي تمرة لده وتمرتين لده وتلات تمرات لده. يبقى - [00:38:51](#)

انت بتفكر الناس في الشارع اللي لسة مستنيين المواصلات. الحاجة الثالثة انك انت تشووف اسرة فقيرة وتطعمها وتجيب لها كيس اكل كبير في اول رمضان وفي نص رمضان. يا افتکروا الفقير في رمضان يا جماعة. لما حلت اللحمة المحضرة كده تتحط قدامك قبل الفطار نفسك فيها؟ فيه ناس مش لاقية حته منها. افتکروا اليتيم في رمضان يا جماعة. اللي ما لوش اب يجري - [00:39:01](#)
بيجيب له اكل وما لوش ام تطبخ له. افتکروا المسلمين المشردين في بقاع العالم. دي بينصروها عشان يعلموا ابنها. وده بيعرضوا عليه التنصير عشان يأكلوه. وده عشان مش لاقي كسوة عشان يكسوه. افتکروا المحتاجين يا جماعة. افتکروا المحتاجين. ده انت مسلمين.
ده انت عباد لله. ده انت عبید لله - [00:39:21](#)

يطلع لكم القرآن آية آية وسورة وسورة بيقول لكم افعلوا الخير للناس. افتکروا الفقرا واليتامي والمعوزين في رمضان. ان شاء الله حتى تروح لجمعيۃ خیریة موثوق فيها وتدیها مبالغ عشان الكفالة بتاعة التفطیر - [00:39:41](#)

النوع الرابع من آآآ تفطير الصائمين في رمضان انك تعزم قرايبك. قرايبك قرايبك واصحابك على الفطار عندك في البيت. النوع الخامس كان فيه شباب والله شوفوا الناس بترغب في في السواب لدرجة ايه؟ ييجوا بعد العصر يتقابلوا في المسجد. يكون واحد جايب - 00:39:54

عيش واحد جاب اه جبن وواحد جاب عصير ويعلمه بسرعة وجبات سريعة ويطلعوا على الطريق السريع قبل الفطار بربع ساعة او نص ساعة يوزعوا على الميكروباصات صفرا وجبات يا للاذكياء! اي والله! تخيلوا اللي هي بقى ايه على المواقف وعلى الطرق السريعة وعلى ناس عايزه سواب! احنا عايزين سواب يا جماعة! ادي افكار اهي - 00:40:11

يبقى انت هتروج المغرب هتصللي تمام التمام. اطلع بقى بعد المغرب افطر. خد بالك دائرة وفيها خط كده ممنوع ممنوع الرز. ايه! استنى بس يا حبيبي. ممنوع المحشي ممنوع المكرونة. ممنوع العيش ممنوع الماية. ايه يا عم فيه ايه بس الله يهديك يا عم احنا احنا جبنا القناة غلط ولا ايه في ايه استنى يا حبيب قلبي. انا هاقول لك الوقتي اهو - 00:40:31

احنا هناكل ما قل وزنه وعظمت قيمته الغزائية. يعني ايه؟ حتدين لحمة حلويين ولا وحشين؟ طبق سلطة كبير حلويين ولا وحشين كوبایة عصير محترمة ها حلوة ولا وحشة حتة كنافة يا عم حتة حلويات حلوة ولا وحشة؟ حاجة هتديك طاقة لغاية تاني يوم. لو انت حتى ما فطرتش بعد كده - 00:40:56

هتفطر انما بقى اللي فطر على بطة وبلع بمحشي ودخل على الرز ابو مكسرات وبعد الاكل قام طبعا بقى مش قادر بقى قام على الكنافه والجالاش والقطايف وقمر الدين وشمس الدين والرز باللين والتمر باللين والحلويات - 00:41:17

راح التراویح اتنين مسندينه ما بين كل ركعتين يروح على الكولمان بناء الجبل يخلص الكولمان. ده ده مش عايز تراویح ده ده عايز مستشفى يعمل له غسيل معدة يا جماعة. ما ينفعش - 00:41:33

عاش يا جماعة. يبقى تفطر الفطار الخفيف ده وطلقة على الجامع. طلقة على الجامع. طب اترفرج شوية على التليفزيون اواعي. طب اريح هتريح مين يا حبيبي هو ده وقت تريح؟ يبقى - 00:41:43

انطلق على الجامع هتنطلق على الجامع على طول هتنطلق على الجامع. النص ساعة اللي قبل العشاء والتلت ساعة اللي ما بين الاذان والاقامة هتجيب فيهم جزء قرآن. جزء قرآن كامل - 00:41:53

جزء قرآن ازاي جزء قرآن؟ يبقى الوقت اللي ميت داهو في رمضان هتختم فيه القرآن على مدى رمضان. يبقى فيه ختمة ماشي فيها بعد العصر. وختمة ماشي فيها الوقت اهو - 00:42:03

قبل قبل العشاء وختمة في التراویح لانك بتسمع التراویح وبالنهار ممكن لو قررت الجزء تاني او قررت تفسير الرابع ختمات. يبقى انت ماشي في ختمات كتير بس هتخرج حياتك حاجة تانية - 00:42:13

يا جماعة احنا بنخرج من رمضان كل سنة كل سنة المصحف نقوم عاينينه لغاية ما التراب يجي عليه نيجي رمضان اللي بعده نشيل التراب ما ينفعش ما ينفعش يا جماعة احنا لو قرينا المصحف - 00:42:23

زي ما بنقرأ مذكرات الدراسة هنبقى اولياء. ما ينفعش نقرأ المصحف زي ما بنقرأ ورا الجرائد. ما ينفعش نقرأ السورة همنا ان احنا نجيب اخرها. ده رمضان شهر مدارسة القرآن - 00:42:33

مش قرايته بس فيدارسه القرآن. لازم نفهم كتاب ربنا. عشر صفحات اقراهem ولا صفحة عشر مرات؟ صفحة عشر مرات. القرآن مش كتاب اول حرف بعشر حسنات. القرآن كتاب طبع مصحف وسلم ان وصهيب. القرآن كتاب طبع البراء اللي اقطع في سبيل الله. جعفر اللي اقطع في سبيل - 00:42:43

لا القرآن كتاب بيبني ابطال. النبي كان ممكن يقوم طول الليل باية واحدة. واحد صاحبي كان في اعتكاف مرة قال لي انا قرأت خمس اجزاء دلوقي. قلت له يا ابني اقرأ بس بالراحة وافهم. لا - 00:43:03

خرج بره في مشوار رجع بيلول وبيعطي في ايه يا ابني! الفتن انا ضيعت انا! قلت له يا ابني لو كان اية واحدة من الخمس اجزاء دخلت قلبك انا مش بقول لكم الكلام ده عشان تكسلاوا. ده عشان تنسدوا حيلكم. ده عشان تنطلقوا في رمضان. هتختتم خاتمة آآ

هتجيب جزء الجزء الثاني اللي هيتقرا في التراویح تاني مرة هتحضره اهو. قبل التراویح اقف في - [00:43:13](#)

التراویح بقى يا سلام! اووعي تصلي في مسجد اقل من اللي بيصلی بجوزها. اووعي تصلي في مسجد اقل من اللي بيصلی الجزء.
هتصلي التراویح في مسجد من اللي بيصلی بجزء؟ طيب وبعدين - [00:43:31](#)

طوابير الجنة بقى واقفة. تطلع من التراویح اووعي تسلم على حد. اووعي تبص يمين ولا شمال. انطلق على بيتك محمولك مقفل.

التراویح الواقفة اللي بعدها بتضيع رمضان يا جماعة تروح كل بقى مرميي الميه وكيلو لحمة وحلة آآ محشى زي ما انت عايز. ونام لك

ثلاث اربع ساعات من من حداشر مسلا لغاية الساعة اتنين بالليل. اصحى - [00:43:41](#)

اتنين بالليل بقى التهجد من قاف لآخر القرآن. ده تركيزك طول رمضان في التهجد. كل يوم امسك سورة. امسك النهاردة قاف. بكرة

الزريات. بكرة السورة اللي بعدها. بكرة السورة اللي بعدها. عش - [00:44:01](#)

ساعتين مع صورة. يا جماعة لما بيكون فيه حاجة وسخة كده على الايد مش باكب المایة. ده انا بادعك في ايدي. انا عايزك تحك في
قلبك. انا عايز قلبك ده الاية تفضل - [00:44:13](#)

تعرضوا عليه لغاية ما قلبك يشربها. المشكلة ان احنا دلوقتي يعني وصلنا لنهاية الحلقة فانا عايز يعني انا عايز دلوقتي يا جماعة ان انا
اجيب لكم بقى الجدول باسرع ما يكون. فالوقت - [00:44:23](#)

انجو دهوت التهجد هتصلي سورة كل يوم سورة. قاف بس عش والله العزيم هتيجي على اخر رمضان هتقول لأ ده انا في شوال
هعيد الفكرة دي تاني كل يوم برضه بصورة واعرضها على قلبي. هييجي السحور افتكر وانت بتشرب كل بق مية في السحور ان
عشش يوم من ايام الدنيا اللي انت ب تستعد له ده هييجي - [00:44:33](#)

ستين الف سنة عشش. هتعمل فيهم ايه؟ استعد لهم الوقتي. الناس اللي بتتسحر على بند شرقي وبند غربي. تيجي صلاة الفجر في
الجامع عشان تاخذ نفس السواب. تيجي جلسة الضحى اووعي - [00:44:53](#)

اووعي تضيع جلسة الضحى هتقعد بقى انا عايز جلسة الضحى دي يا جماعة تبقى زكر. تقعد كده عيش مع كلمة الله
اشي مع كلمة الله تق ساعة كاملة سبحان الله! الحمد لله لا الله الا الله. الله - [00:45:03](#)

اكبر انا عايز الساعة دي كلها تبقى مع الله مع الله. ساعة زكر يوميا قلبك قاعد يتعرض عليه كلمة الله. الله الله لغاية ما قلبك
ينضف تماما. بعد كده بعد جلسة ضحى اربع ركعات. عبدي لا تعجز ان تصلي لي اربع ركعات اول النهار. افك اخره. الله اكبر -

[00:45:23](#)

ومن الضحى للعصر بس الضهر ما تنساش انك انت تكون في المسجد قبل الاذان من الدوحة للعصر فترة مفتوحة. نام روح كليتك
روحى كليتك آآ روح شغلك آآ استريح لو انت محترف بقى يبقى من الضهر للعصر ده فترة التفسير مزاكرة التفسير تنام وتزاكر تفسير
الجزء - [00:45:43](#)

رمضان المحترفين انك بالنهار تزاكر تفسير الجزء وتقرأه وبالليل تقعد تصلي به. والله يا جماعة انا الكلام ده طبقته فترة في حياتي
وكان له اعزم الاسر. ونفسني انكم نفسني الاقل حاجة في الجدول اللي انا قلتتها لكم دي اقل مستوى. اللي ما ينفعش ننزل عنه انك
تحضر الجزء التلاوة بتدبر وخشوع بالنهار وتصلي - [00:46:01](#)

في مسجد بيصلی بجزء بالليل يبقى انت سمعت الجزء مرة بالنهار ومرة بالليل يبقى انت كده ان شاء الله ده الخط الاحمر اللي ما
فيش تراجع بعده والمستوى الاعلى بتاع المحترفين اللي هو بالنهار التفسير والتلاوة وبالليل - [00:46:21](#)

التفسير ده اللي عايز يبقى داعية يطبق الفكرة دي. ويشفوف ربنا يفتح عليه قد ايه. وبالليل التلاوة به يعني الى هنا وصلنا لآخر هذه
الحلقة يا جماعة. الجدول اهوت اللي احنا طبعناه آآ ونزلناه على الموقع موقع وي تو الله او الطريق الى الله. كلمة الطريق الى الله
بس. موقع الطريق الى الله نزلنا الورقة عليه. اللي عايز يعمل داون له - [00:46:35](#)

الورقة عشان يجيب الجدول يعلقه في اووضته طول رمضان. او يعمل داون لون الورقة عشان يطبع الورقة جنبه عند اي مطبعة.
عشان يوزعها ويلزقها في المساجد ويكسب السواب الرهيب بتاع الصفقات اللي فيها ماشي يدخل على الموقع موقع الطريق الى الله

ويعمل داونلود. اللي عايز - 00:46:55

ان هو يعني يبقى فيه يعني ناس طابعة جاهز بحيس ان يبقى الموضوع سهل عليه يكون طبعا آآ يعني يعني يكون الموضوع سهل عليه ممكن يتصل على رقم عشرة ستة وثمانين تلاتات ستة وثمانين. صفر عشرة ستة وثمانين تلاتات ستة وثمانين. على اساس ان هو ياخد ايه؟ يعني كميات جاهزة من اه الموضوع ده لو عايز - 00:47:12

يطبعوا. آآ خلاص يا جماعة المخرج خلاص المخرج خلاص هي عمل فيها حاجة الوقت. لأن يبدو ان الواحد اتأخر عن الوقت بتاعه. ما اتأخرناش يا باشمهدس ما تاخذناش الساعة ستة ونص - 00:47:32

الله المستعان يا جماعة. خلاص نعاهد ربنا بقى. نعاهد ربنا ان رمضان ده هيبقى حاجة جديدة في حياتنا. نعاهد ربنا بعد تلاتين يوم صيام. وتلاتين يوم تراويف. وتلاتين يوم تهجد - 00:47:43

تلاتين يوم جاية ضحى وتلاتين يوم عبادة وكذا ختم القرآن واعتكاف عشر او اخر ودعوة الى الله دعوة لسة مقابل واحد صاحبي واحد صاحبي جاي من من السودان في خروج في سبيل - 00:47:53

اسلم على ايديه بيقول لي اول ما نزل بس سبعتاشر واحد. اسلموا على دي. اول ما نزل في اول طلعة. اجتهدوا بقى واشتغلوا في الدعوة الشباب على كلمة. الشباب على شريط. وزعوا - 00:48:03

اطفي الميكروباصلات. خلاص يا جماعة الدعوة الى الله هنجيب اخرنا فيها. القرآن هنجيب اخرنا فيه. فعل الخير وصنائع المعروف هنجيب اخرنا فيه. يعني اسيبكم الوقتي بازن الله. ولعلنا بعد رمضان مع بعض بازن الله. واتمنى على الله سبحانه وتعالى ان احنا يعني ربنا يفتح علينا اعظم الفتح في رمضان. اللهم بلغنا رمضان واملأه بطاعتكم ليلا - 00:48:13

نهاره قولوا امين. اللهم اجعل كل دقيقة فيه فتحا علينا في ديننا يا رب العالمين. اللهم املأ ليانا ونهارنا بطاعتكم ثم استعملنا ولا تستبدلنا. اللهم تولنا ولا تتولى علينا. اللهم افتح على قلوبنا في رمضان. وافتح على قلوبنا بالقرآن في رمضان. واهدي شباب - 00:48:33

من وفتيات المسلمين يا رب. اهدي شعب مصر والعالم الاسلامي كله يا رب. اجعل رمضان فتحي هداية على الامة جميعها يا رب. يا رب العالمين امين امين. اقول قولي هذا واستغفر الله لي ولكم. سبحانه الله وبحمدك. اشهد ان لا الله الا انت. استغفرلك واتوب

اليك - 00:48:53

00:49:13 -